

**EKONOMI**

Keuntungan bersih suku kedua tahun kewangan 2021 KIP REIT susut kepada RM8.6 juta



20/01/2021 02:14 AM

KUALA LUMPUR, 19 Jan -- Keuntungan bersih KIP Real Estate Investment Trust (KIP REIT) susut kepada RM8.66 juta pada suku kedua berakhir 31 Dis, 2020, daripada RM9.23 juta bagi tempoh yang sama pada tahun sebelumnya.

Perolehan juga merosot kepada RM18.62 juta daripada RM19.73 juta tahun ke tahun disebabkan pendapatan yang lebih rendah daripada kedua-dua wilayah selatan dan tengah tetapi sebahagiannya diimbangi oleh perolehan tinggi daripada AEON Mall Kinta City di wilayah utara.

Pengarah Urusan KIP REIT Management Sdn Bhd Datuk Chew Lak Seong dalam satu kenyataan hari ini berkata prestasi kewangan untuk suku berkenaan adalah lebih baik dan sesuai dengan jangkaan pengurusan di tengah-tengah pandemik COVID-19 ketika ini.


Katanya syarikat berkenaan optimis dalam berhati-hati terhadap situasi ekonomi dan sentimen pengguna susulan Perintah Kawalan Pergerakan (PKP 2.0) yang dilaksanakan semula kerajaan bermula 13 Jan, 2021.

"Namun, kami menjangkakan akan mengambil sedikit masa sebelum keadaan kembali normal dan orang ramai meneruskan aktiviti harian mereka.

"Bagaimanapun, pasukan kami berusaha sedaya upaya untuk meningkatkan pendapatan kami dan memberi ganjaran kepada pemegang unit kami," katanya.

Pengurus KIP REIT itu mengisyiharkan agihan interim kedua sebanyak 1.59 sen seunit, berjumlah RM8.03 juta untuk suku kedua tahun kewangan berakhir 30 Jun, 2021.

-- BERNAMA



BERITA BERKAITAN

Proklamasi Darurat bantu pemulihan ekonomi - Tengku Zafrul

PKP 2.0 beri impak lebih rendah terhadap ekonomi - Tengku Zafrul

MENARIK



COVID-19: Saringan berskala besar di ladang punca peningkatan kes di Sabah

Mesyuarat pegawai-pegawai kanan tetap hala tuju ekosistem digital ASEAN

Suntikan bantuan kerajaan beri manfaat 20 juta rakyat, 2.4 juta perniagaan

TENTANG KAMI

Pertubuhan Berita Nasional Malaysia
Wisma BERNAMA
No.28 Jalan BERNAMA
Off Jalan Tun Razak
50400 Kuala Lumpur
Malaysia

Kategori

- Am
- Ekonomi
- Sukan
- Politik
- Dunia
- Rencana
- Tinta Minda
- Infografik

Lain-lain

- Laman Korporat
- Hubungi Kami
- Produk dan Perkhidmatan
- Kerjaya@BERNAMA
- Sebutharga / Tender

Hak Cipta

- Penafian
- Dasar Privasi
- Dasar Keselamatan